

“Bal Aium” бобекжайи бакшасы

25 казан
Республика күні

Тәрбиеші: Сейлова Сауле
Топ: “Балдырған” аралас тобы

2024 – 2025 оқу жылы

Бекітешін
А.С.Трашова Ақ

25 Қазан – Республика Күні

Тәрбиеші:

Сәлем, балалар! Бүгін біз еліміздің ең маңызды мерекелерінің бірі – Қазақстан Республикасының күніне арналған мерекелік шара өткіземіз! Біздің еліміздің тәуелсіздігі мен бірлігін тойлау үшін жиналдык.

Тәуелсіздік туралы Әңгіме

(Тәрбиеші балаларға Тәуелсіздік туралы қысқаша әңгімелеп береді.)

Тәрбиеші:

Қазақстан Республикасы 1991 жылы 16 желтоқсанда тәуелсіздігін жариялады. Бірақ Республика күні 25 қазанда, яғни 1990 жылы біздің еліміздің мемлекеттік егемендігі туралы декларация қабылданған күні аталып өтеді.

Қазақстан Туы мен Елтаңбасы

(Балалар Қазақстанның туы мен елтаңбасын көрсетеді.)

Тәрбиеші:

Біздің еліміздің туы мен елтаңбасы – патриотизмнің символы. Туымыз көк түсті, ал Елтаңбамызда қанатты барыс бейнеленген. Олар біздің ұлттық болмысымызды көрсетеді.

Патриоттық Ән

(Балалар «Менің Қазақстаным» әнін орындайды.)

Тәрбиеші:

Енді, балалар, «Менің Қазақстаным» әнін орындаймыз. Бұл ән – елімізге деген сүйіспеншіліктің көрінісі.

Би

(Балалар ұлттық би немесе мерекелік би билейді.)

Тәрбиеші:

Біздің мәдениетіміздің бір бөлігі – би. Балалар, ұлттық биді бірге билеп көрейік!

ҚАРА ЖОРҒА биін билеу.

Ойын

(Балаларға «Кім жылдам?» ойынын өткізу.)

Тәрбиеші:

Енді ойын ойнайық! «Кім жылдам?» ойынында мен сұрақтар қойғанда, сіздер жауап берулеріңіз керек.

Додозжадр аркылы Ту, Елтаңба, Әнұранның авторлары кім?

Тәуелсіздікті қай жылы алдық?

Тұңғыш Президентіміз кім?

Қазіргі Президентіміз кім?

Ұлтық құндылыққа байланысты ойындар ойнату

Тәрбиеші: Балаларға ұлтық салт дәстүр, ұлтық тағамдар, ұлттық ойындар, ұлттық киімдер туралы дайындалған ойындар тарату. (Балалар екі топқа бөлініп ойындар ойнайды.)

Балалар сахнаға шығып, Қазақстан туралы қорытынды тақпақтарын айтады.

Сафия: Сарқылмайтын қуатым,
Тірегімсің Қазақстан.
Мәңгі соғып тұратын.
Жүрегімсің Қазақстан.

Кәусар: Аспан түстес көгілдір,
Тік бұрышты матаның.
Ортасында төгіп тұр,
Күн жаяды шапағын.
Мұхаммеджан: Астында оның қалқыған,
Қыран құстың бейнесі.
Азат елдің шалқыған,
Көңілі деп білерсің.

Муса:
Елтаңбасы елдігім
Елдің тыныш тірлігі.

Мадина:
Құтты болсын Республика мерекесі
Мықты болсын еліміздің керегесі
Тату тәтті бұл халқымыз әрқашанда
Кетпесін туған жердің берекесі.

Айбархан:
16шы желтоқсан
Тәуелсіздік алған күн,
Мерекеге ел тосқан
Атам менен барғанмын.

Альтайыр:
Мерекеге шығады,
Бүкіл халық біліп қой.
Отандастар ұғады,
Республика күні - ұлы той.

Әлинұр: Республика күні – мақтанышымыз

Жаксылар жанын қиды қасіретпен,
Алаштың ерлері бар асыл өткен.
Арманым болмас еді-ау туған елім,
Гүл жайнап, қазақ болып тасып өтсем.

Асылым: Қазақстан – өр елім

Өр Елім, маңдайыңнан жарық көрдім,
Бабалар өнегесін алып келдім.
Ескерткіш Елім үшін орнатпасам,
Мына жалған өмірге неғып келдім?

А.Айлин: Жарқыраған Қазақстан

Рухынан жаксылардың нұр саулаған,
Жанымды мейірімі күрсаулаған.
Жайсаң өлке, жайдары Қазақстан,
Шуақ шашқан сәулелі күнсің маған!

Ө.Айлин: Республика күнімен құттықтаймын!

Нұрына шомылдырып алтын күннің,
Республикам ертеңге талпындырдың.
Өзінен шабыт алып акын қиял,
Шалықтап кең далада шалқып жүрмін.

Бағдаулет:Тәуелсіз Қазақстан

Егемен елім десем, сенім кіріп,
Бойымды билеп кетер сенімділік.
Ешкімге ауыстырмас алтын Отан,
Жырлаймын қасиетіңді төгілдіріп.

Аяла: Қазақ ұлтының күні

Жарқырап жанған күндей азаттығы,
Көрінер ұлтымның да ғажаптығы.
Республика күнімен құттықтаймын,
Өйткені ол — Ұлт күні, Қазақ күні!

Қорытынды

Тәрбиеші:

Бүгінгі шарамызды қорытындылай келе, Қазақстан Республикасы күнімен баршаңызды құттықтаймын! Біздің еліміздің болашағы жарқын, тәуелсіздігіміз мәңгі болсын!

Жаса, жаса қазақ елі әнімен балалар сахнадан шығып кетеді.

